



目錄

遷逐

東鍾

仙呂入雙調

僭號

江陽

黃鍾

南呂

憂國

寒山

正宮犯

咏蟬

齊微

商調

招友

江陽

正宮

草檄

蕭豪

仙呂

鬼賁

齊微

南呂

會兵

蕭豪

雙調

仙呂入雙調



授丹

魚模

南呂

戲禽

庚青

黃鍾

擒逆

先天

越調

旋駕

庚青

仙呂入雙調

掃宮

齊微

雙調

仙呂入雙調

奸歎

江陽

正宮

圓宴

先天

黃鍾

鸚鵡夢記

遷逐

長宗部  
振鐸西  
請名

趙開夏氏編

搗練子 正旦帝服上登北極闕東宮萬國衣冠拜舞  
同獨怪老成凋謝後安劉誰似夏黃公

寡人李哲乃大行之太子去歲癸未季冬卽位今年甲申正月收元嗣聖立妃韋氏爲后宇內雖寧宮中多故陽衰陰盛難言國有長君大往小來可謂朝無正士事常掣肘何以臨民力不從心僅堪守府不知作何究竟也

黑蛛序生長深宮。荷蒼穹默佑。繼位飛龍。眼兒前那  
得擎天樑棟。倥偬誰將四皓通。誰將諸呂攻。恨無窮。  
爲這傷今思古。淚雨濛濛。

丑內宣勅介皇太后命下。跪聽宣讀。勅曰。惟天行  
健。君子法之。以自強。厥后克艱。前聖因之。而垂訓。  
咨爾嗣王哲。優柔寡斷。怠惰不勤。顯招九族之難。  
潛失萬民之望。茲特命爾爲廬陵王。出居房州。於  
戲守成不易。敢從祗饋之恩。允德克終。毋取亢龍  
之悔。謝恩。正旦知道了。想是武三思煽惑太后。遷  
我房州。這也是國家氣數。宮人們就此起程罷。襍

扮旗幟上。正旦。愛蒼天。寡人今日此去。未知還有  
爲、旋、駕、伏、筆  
回來的日子否。

朝元令行介。合皇唐運終。玉座無人捧。盤根李客金  
闕憑誰拱。祖道城東。車勞馬冗。怎禁登山過隴。回首  
青宮。微雲抹斷。殘照中陵。寢付東風。龍驟對落紅。天  
涯情懂。做了箇可憐春夢。可憐春夢。

丹鳳雛雛隔九重。人間鷓鴣杳難從。

山河慘淡關城閉。獵獵寒旌背晚風。

僭號

點絳脣。淨上鳳舉龍驤。維新氣象。齊瞻仰。鳴梢三響。

一朵紅雲上

前腔丑上煉石媧皇補天伎倆宸威廣九天雞唱月  
墮仙人掌

淨下官許敬宗丑下官武三思合今日則天娘娘  
改號大周卽皇帝位各備賀表在此伺候

玉女步瑞雲宮人引小旦上混一陰陽今日甫臨天  
仗敢把那乾坤獨掌

新爲天下人民主舊是宮中娥媚娘寡人天冊金  
輪大聖武則天是也今乃卽位之期受百官朝賀  
宮人們宣文武百官朝見宮文武官排班上御道

丑大周新命慶溢寰區淨唐室舊臣喜盈身意

山呼丑淨萬歲萬歲萬歲萬歲小旦許敬宗命卿前  
去改定百官尚書省爲文昌臺僕射爲左右相六

曹爲天地四時六官門下省爲鸞臺中書省爲鳳  
閣侍中爲納言中書令爲內史御史臺爲左右肅  
政臺淨領旨小旦武三思命卿前去立武氏七廟  
高曾祖考皆爲皇帝高曾祖妣皆爲皇后五領旨  
小旦你看百官朝賀萬歲嵩呼好快活也

梁州序小旦巍巍蕩蕩皇圖新創不似隋唐舊樣分  
明天授追五帝五紹三皇輕施粉黛薄點胭脂別具君

王相合閃金輪南面河山壯。坤軸乾綱共主張。多福壽萬年長。

前腔換頭淨丑真天子萬古無雙。新世界四方瞻仰。女媧皇賽過了夏禹商湯。文臣武將萬歲嵩呼。歡欣應無量。合閃金輪南面河山壯。坤軸乾綱共主張。多福壽萬年長。

小旦寡人今日改元。理應大赦天下。其文武官員軍民人等。除十惡外有罪者咸赦除之。衆卿一體欽遵退班。丑淨已知聖德逾三代。誰道臣心事兩朝。下小旦回宮。

尾聲合九天飛下恩波廣。文武衣冠拜女皇。惟願從今帝道昌。

門開闐闐萬山秋。萬歲蛾眉不解愁。  
從此百寮俱拜後。香烟欲傍袞龍浮。

憂國

梁州令外便服上一為遷客病多般。怕西望長安。新愁舊恨疊如山。提筆寫將劍舞把琴彈。

武陵春自髮蕭蕭年已暮。孤影落湘潭。國事于今轉不堪。空把直名擔。何日剪除鸚鵡翅。重理舊朝簪。萬古流芳死也甘。身未死。豈無慚。老夫褚遂良。

自從諫立武氏。貶落潭州。多蒙駱賓王李敬業兩  
人。又爲我極諫先帝。將賓王下獄。敬業貶在柳州。  
那武氏後來竟弑了先帝。遷了今上。公然自己僭  
了大位。我李家的天下。不絕者一綫而已。老夫久  
欲赴關勤王。奈身在貶所。同志絕無。鬱鬱居此老  
後、文、授、丹、作、引病臨侵。只是國家板蕩之秋。非臣子高枕之日。教  
我如之奈何。

雁魚錦雁過聲。想當初叩頭將象笏。還走潭州萬里。  
年衰晚累。他每拚死交章諫。又誰知忤龍顏。好男兒  
下獄投閒。朝中都是奸。全不想吃誰家飯。一任他

後堯婆將唐室篡。中呂二犯魚家傲。頻彈老淚潛潛。

歎暮年多病。猶把中興盼。怎當得鳥飛兔趕不住的。

歲月將人趲。白頭似絲不再斑。白鬚如銀難再丹。只

額顱血漬猶殷。魂已散。旁人說甚加餐。心寒君臣隔

萬山。這壁廂李英公不能殺統兵。把狐妖剪。那壁廂

駱御史。也不見出師。把鸞駕攀。中呂二犯漁家燈凭

關目斷江關。望不見廬陵鹵簿。增長歎。回首神州陸

沉至此。李氏山河交與了。衰無家老漢。祇留殘喘。料

難將帝基重辦。空念着岩堯舊闕。春雲散。寂寞新陵。

夜雨寒。中呂喜魚燈。自來此地身如絆。平生事皇唐。

願命已是虛幻。恨忠言被謾。生扭做長沙賈誼圖治。

安夢中曾把回鑿挽。黃羅繖駕前排。趙醒後又不見。

天顏只落得幾回撫枕愁無限。五夜擁衾淚不乾。錦

纏道犯。睜雙眼看時人。全無肺肝九廟已摧殘。舊公

卿還守着青瑣朝班。悶殺人新君未還。屈殺我逐臣

難返。怎擺脫這其間。博得個半張史記生前定。一片

忠心死後丹。

四朝憂國鬢成絲。閒臥藜床對落暉。

萬乘旌旗何處在。黃茅瘴裏鷓鴣啼。

咏蟬

副淨上貫索星中尋活計。阿鼻獄裡覓生涯。自家

刑曹獄中一個禁子的便是。俺獄中有一位犯官

老爺叫做駱賓王。那年高宗皇帝收了則天娘娘

進宮。可笑那駱老爺不顧利害。上了什麼本。為此

陷在我刑曹獄中。誰知駱老爺是當今第一個才

子。自到監來做詩做賦。用了多少筆墨。日今初秋

天氣。禁垣西首法曹廳事前。這幾株槐樹上。蟬聲

不絕。駱老爺最喜歡聽。他今日早飯已過。想應出

來也。

簇御林生上。魂騷屑似楚纍。初秋蘭香滿衣。天涯知



已書難寄止不住英雄淚甚年時開籠鼓翼一直到  
天池。

滿江紅時運方乖。空負了文章滿腹。數年來舊愁  
如許。新愁又續。八寸洞中身未死。三千里外居難  
卜。理冰絃一弄楚江情。南冠盡。痛飲酒。將天哭。飽  
吃飯。將騷讀。為雄心未已不甘魚肉。無間獄前秋  
色早。法曹廳畔蟬聲促。笑槐花遍地。落黃金。奚堪  
贖。我駱賓王陷在刑曹獄中再沒有个出頭日子。  
一月前見說那武氏僭了大唐帝位。改元天授。好  
笑那些猪狗官兒一齊上表稱賀。從古至今也沒  
有這般奇事。可惜我身在獄中。不能號名英雄掃  
清宮。禁燬蒼天蒼天你何苦生我駱賓王。怎放我  
在這箇所在呢。

二郎神可作天問天何意狠相欺。把英雄撇棄。沒揣囹圄終歲  
閉如籠似窌。秋來分外堪悲。

我想秘記之言。淳風之語。和那鸚武之夢。如今都

一一應驗了。噯當初先帝若聽了吏部褚老先生  
之言。那有今日恨先帝當年渾如醉。將老臣輕輕

革退走潭州。任雨打風吹。斷送頭皮。

副淨老爺說了半日。句句是不割捨得唐朝社稷。

這也是一片忠心折文情曲暢但老爺既曉得秘記之言淳風之論可知都是天數了老爺何必悲傷生說那裡話來

前腔換頭須知他知有數吾知有理怎肯向牝朝頭直是聖賢學問聖人言理不言數希夷

納地雄心未已康節輩未免有所偏耳猛教人踰破園扉踰門介副淨扶住

介老爺不要恁般着惱又惹出禍來生我那聖上

嘎你流落房州身似寄甚日裡皇唐得氣掃宮幃

大駕還朝再覩龍飛

副淨老爺今日愁悶小人倒有箇消愁解悶的法

兒在此生什麼法兒副淨老爺你聽禁牆西首秋

蟬很叫小人昨日做得一首咏蟬詩十分作樂老

爺何不也做一首兒耍子片時便是老爺後來高

陞了留在此間做一段詩話也是好的生你且念

你的詩來我聽副淨蟬蟬聲在綠槐邊亭前途

呂布生什麼意思副淨這是貂蟬之蟬海上遇劉

仙生怎麼講副淨這是劉海戲蟾生太遠了些快

取筆硯來副淨筆硯在小人磨墨

黃鶯兒生秋氣冷園扉內作蟬鳴介聽蟬鳴響禁西

綠槐花落添憔悴你揀高枝自怡弄清吟不疲夕陽

衰草攪得我肝腸碎蟬蟬你的命運恰好與我駱賓

王一般你以後呵便不鳴也罷了報伊知螿螂葉底休倚着好聲兒

前腔寫壁介拂壁走龍蛇歎鄒陽彩筆顏硯池填滿

了窮途淚小虫兒脫奇新詩兒脫悲美人香草騷魂

碎詩詩你的命運也恰好與我路賈王一般你今日

題在此處幾時才得出去報伊知從今芥壁何日

破風雷

讀介西陸蟬聲唱副淨這裡是東路生南冠客思

便副淨這裡是北監生那堪元鬢影來對白頭吟

露重飛難進風多響易沉無人信高潔誰為表予

心副淨好詩好詩小人聲在綠槐之句不能擅美

手前矣丑上家主本來無死法獄官從此沒生涯

有人麼副淨那个丑是我放進个丑小人叩頭稟

老爺武后臨朝大赦天下李老爺着人到京替老

爺做在赦內起為臨海丞了生好了我的大事做

得成了駱勤快與我收拾書本檢點箱籠明日早

早伺候發放也三載覆盆徒望日一朝蟄戶驟驚

雷下丑壁上的是什麼副淨老爺做的詩丑什麼

詩副淨我念與你聽西陸蟬聲唱南風想駱勤丑

譚今下

古槐深巷暮蟬愁。空戴南冠學楚囚。  
倚柱尋思倍惆悵。漢家宮闕動高秋。

招友

燕歸梁。小生上。怒氣轟天壓太行。腰左側。劍如霜。暗  
收士馬要勤王。占王氣。在維揚。

萬里無家恨未休。大唐天子走窮州。亡秦見說惟  
三戶。欲與諸君滅偽周。下官李敬業。只因武氏弄  
權賓王陷獄。下官上疏苦諫。貶爲柳州司馬。今武  
氏僭號大周。殺唐子孫殆盡。我因此招聚天下失  
職官員。陰蓄士馬。將欲駐扎揚州地面。移檄州縣。

剪除妖孽。迎駕還朝。但這一篇檄文。必要我駱神  
駒動筆。我前已差人去替他料理。做入赦內。此時  
想已出監了。如今不免再差人去請他。約在揚州  
相會。他是我同社弟兄。決無不來之理。蒼頭那裡  
襍有。小生。我有蠟書一封。你好好藏在身邊。進京  
去打聽駱御史老爺出監之後。寓在那裡。你便將  
書去投遞。小心伏侍。駱老爺到揚州相會。你去對  
駱老爺說。

小普天樂。爲那家遭板蕩。再沒有勤王將。俺家爺呵。  
收亡命。舞動旗鎗。招英傑。屯駐維揚。專人拜訪。敢相

煩一篇倚馬文章。

人龍別後見何難

青鳥殷勤為探看

草檄青油推健筆

重關曉度宿雲寒

草檄

丑上老爺改做相公。大叔依舊書僮。不是老爺運蹇。分明大叔命窮。我家老爺坐了三年牢獄。虧得

李老爺救出監來。纔復得一個臨海縣丞。俺老爺

又不得意不肯到任。昨日分付收拾行李。要到李

老爺那邊去。不知為着何事。道猶未了。老爺出來

也。

點絳唇。生野服上。擢髮叱朝。掉頭冷灶。丟紗帽待掃。

腥臊把白壁仍完趙。

久滯迷津。幸脫魯無官。翻覺此身輕。丈夫別有封

侯志。怎向天涯戀一丞。我賂賓王。久遭縲縶。四海

無家。失職風塵一驢亡命。半生雌伏。不能水擊三

千。未死雄心。終望風搏九萬。那偽臨朝武氏。改元

天授。僭號大周。弑我母后。醜我先皇。人彘禍成于

呂氏。據我神京。逐我太子。申生命絕于驪姬。狎彼

淫僧。六宮失色。寵其頑姪。百職無顏。我意欲草下

討武檄文。趕至李英公那邊。勸他起義。大舉干戈。

事到今日也再遲不去了。駱勤取筆硯來。研墨伺  
候。丑曉得。生。噯。我想武氏罪惡多端。教我從何處  
說起。

混江龍陰陽顛倒。鳳展邊閃出野狐妖。一霎時神龍

委頓。仙李枯焦。普天下鬚眉氣短。滿朝中脂粉粧喬。

君非君。后非后。金釵移玉座。男不男女。女不女。紅袖着

黃袍。三宮霧鎖。九廟烟消。百官雲散。萬姓波漂。他懂

的。是握雨攜雲。迷楚曲。怎曉得。補天煉石。斷靈鰲。

取他。萬年遺臭。一筆難描。

有了他。元是微寒小姓。向充太宗下陳。後來削髮

爲尼。只在此處寫起罷了。寫介

油葫蘆。他本是小姓微寒。一阿嬌。太宗朝末班胡亂

占丰標。後來呵。入空門。秉着如來教。卸宮粧。戴着毘

盧帽。佛法僧如囉哩。殺盜淫難丟掉。他一心心只想

君王到。倚禪床。全不改舊苗條。

後來蓄髮進宮。又做了先帝的昭儀。寫介

天下樂短茸茸梳掠起。綠雲翹。淡也波描。韻更饒。辨

香拜別了泥神廟。授昭儀。又撒嬌。赴巫陽。重賣俏。一

箇比丘尼做不了。

王皇后蕭淑妃。投入酒甕。公然自己做了皇后。一

箇褚天官幾乎撲殺真好慘也寫介

那陀令守殘更餓猫穴鼠兒怎逃掣西風皂鵬瓦雀

兒怎饒酒向死屍澆魂從甕裡銷王皇后道不的椒

蕭淑妃真做了草為中宮一座幾乎撲殺了俺褚天

曹

手毒先帝又把今上貶出房州可憐今上才做得

兩月皇帝寫介

鵲踏枝他弑先帝將舌劍磨逐今上將唇鎗攪真箇

是地塌天崩更加着海動山搖狠心腸把天潢盡

現一箇假男身賽得過新莽曹

後來公然自己做了皇帝造起武氏七廟改定服

色官名自古那有此事寫介

寄生草天冊憑空造金輪信口嚼改官名杜撰出希

奇號奉宗親私立起崔嵬廟易服色獨尚着金光曜

俺只見一杯黃土未曾乾霎時間孤兒六尺身難保

他的罪惡我已略寫萬一如今不免把司馬起兵

之事鋪張一番寫介

煞尾軍聲震九霄是處黃旗耀看四海推心不少玉

軸橫江方繹絡盤山鐵騎又聯鑣要把那滿窟的狐

腥一掃諸公休昧了先機兆佐中與這遭破京師及

早生奪箇舊山河。還與大唐朝。

繳已草成。駱勤快快收拾行李。明日起程。丑收拾多時了。雜上不逢諸葛誰扶漢。得遇張良自報韓。奉家爺之命。來請駱老爺到揚州舉事。誰想駱老爺既不在京。又不到任。再沒處跟尋了。昨聞得他棄了官。寓在這裡。不免問一聲。看駱老爺在這裡麼。生駱勤你去問來做什麼的。丑外面那一個。司馬李老爺差來下書的。生放他進來。丑開門介。雜小人叩頭。家爺有書拜上。生拆書介。呀。元來李英公爲恢復之事。約我在揚州相會。可謂英雄所見。略同下書人。你一路辛苦了。暫宿一宵。明日同我去罷。雜家爺元着小人伏侍老爺同行的。生江湖剩骨瘦楞楞。猶向荒臺望帝星。硯北檄文才脫藁。案前忽起五雷聲。下丑大哥你家老爺請我家老爺去做什麼。雜有大事相商。丑什麼大事。可是要謀反麼。雜瞞你的不得。是起義。丑好了好了。我書僮改做嘍囉。相公改做大王。派定了天罡地煞。一同去做一本宋江。雜宋江是宋朝在唐朝之後。怎的做起宋江來。丑你與我是清朝又在宋朝之後。怎的做不得宋江。



凌雲健筆意縱橫

馬首前瞻北斗城

世上不教才子絕

須知天下欲昇平

鬼責

一剪梅小旦上寶婺星輝映紫微雲也難期雨也難

期他年社稷付伊誰李也堪疑武也堪疑

寡人自即位以來且喜六宮清靖四海昇平前日

侄兒武三思營求立為太子我一時許了他怎奈

衆卿未服都有表章到來日裡事煩不曾看得不

免燈下披閱一回

梁州序銅壺纔滴金蓮初蕊細把封章理會看一帆

聚訟誰不念李氏孤兒曾記朱虛執法平勃交驩產

綠終無濟怕的是棋兒差一着滿盤非救得將來總

是虧才看得數行神思困倦我且假寐片時再看未

遲愁似織心如醉燈前做箇和衣睡憑好夢峽中回

隱几介內扮鸚鵡出場李敬業踏寶王戴神面領

兵趕鵝三匝砍鵝兩翼下小且驚醒介好奇怪也

方才朦朧睡去分明見一位文官一員武將趕着

一隻鸚鵡入正音前後開眼後來竟把那鸚鵡割了兩翼我想鸚鵡者

武也或者是在我身上有些不妙麼

漁燈兒這不是小槐安螻蟻相依又不是老莊周胡

蝶爭飛。孫做了。鄭之人死鹿難追。說甚麼元君夜夢。  
訪漁翁救了神龜。

爲何身子越覺的困倦。只得再睡片時。披閱罷了。  
老旦魂扮上。臙盡金樽粉鬪。西宮夜靜語啾啾。  
低回不敢爲人去。未報君王舊日仇。正旦魂扮上。  
燐火青青月正昏。浮蛆甕裡度香魂。不知鬼業何  
年盡。願托狸奴是後身。老旦妾身王氏。自與蕭妃  
遭武氏斷去手足。鬼業未盡。尚在沉淪。目下李敬  
業駱賓王兩人起兵揚州。共圖匡復。今晚同蕭妃  
進宮。將武氏魂兒攝去。以助李駱二卿一臂之力。  
妹妹我與你同走一遭也。

梁州序行介。瑤階風細。銅樓雲翳。閭闔千門靜閉。爲

黑冤未散。向九泉閃出靈兒。俏過西院。暗度中宮。冷

夜移環珮。想當初君恩深似海。已成灰。怎禁得帶血

幽魂對月啼。內三鼓介聽漏下三更。突扣門介。且敲

彈門扇。驚他睡。你只看今夜裡欠錢底。開門開門小

旦。半夜三更。宮人們都已睡了。這那個敲門。可是

我心愛的懷義。在外邊麼。老旦。不是懷義。是懷恨。

小旦。可是我三思姪兒麼。正旦。你自三思。小旦。

漁燈兒。莫不是懷義。僧夜赴佳期。莫不是武三兒愛

月眠遲。甚鬼頭響登登敲動雙扉。敢是我夢魂搖曳。  
綠鸚哥跌下丹墀。

錦魚燈老旦正旦我是那沒把鼻酒中綠蟻。我是那

慣撚酸甕裡醃雞。我只爲玉骨香肌醉似泥。揀今宵

特來還敬你一杯兒。正善惡到頭終有報可以警世小旦所他啾啾之聲分明是王

后蕭妃了。

錦上花他冷話兒一一提我熱魂兒寸寸飛不圖的

今夜鼠逢狸他報復心怎肯灰我懺悔心已是遲枉

教人此際蚊憐蛇。急切裡那荅兒找鐘馗。

宮人們快來打鬼老旦正旦閃進門介揪小旦耳

跪介我只怕你殺那怕你打老旦正旦坐介老旦

你本是先帝才人。蠱惑嗣君一罪也。戕殺主母淑

妃二罪也。黜今上而奪之位三罪也。殺君之子四

罪也。自立爲帝五罪也。廢唐宗廟六罪也。誅鋤宗

室七罪也。穢德彰聞八罪也。尊用酷吏九罪也。有

此九罪。你可也惡貫滿盈了。

錦中拍你本是那空門小尼。要獨占宮幃。俺向酒甕

沉沉一醉。你坐椒房聲聲千歲好。一似滿帆風起。着

高桅。到如今檣傾楫碎。還你箇櫓斷蓬灰。可知道冤

冤相倚。債債相追。這其間不爭差半些米。小旦娘娘

聽稟。

錦後拍總。是咱少年時脫雷堆。這舊頭兒更誰推。是我恁般得罪。我恁般得罪。我願把梁皇懺禮。我望娘。娘饒命發慈悲。休爲祟。打破冤仇芥蒂。留我比丘尼。好替唐家料理。

老旦誰要你料理。妹妹我與你此時不下手。更待何時。將紅綾縊小旦頸介。

罵玉郎老旦正旦扯小旦胡旋介。你鸚鵡聰明。佔隴西。俺杜宇春心徹。夜啼只今華表鶴重歸。怎饒伊。你。那日剪后屠妃。只天知地知。只天知地知。俺如今吐氣揚眉。只伊知我知。只伊知我知。弄的你魂飛魄散。才是我報仇雪恥。這叫做天理循環。這叫做天理循環。目前因果。現在輪迴。笑小尼姑。老妖狐。慣弄虛脾。爲下文。益。死。伏。筆。今日裡死淋侵如斯而已。

丙作雞鳴介。老旦妹妹雞鳴了。我與你去罷。正是骨醉怎知魂尚醒。玉旦身亡偏喜性猶存。下宮人

上前殿。月沉昏慘慘。後庭風起冷颼颼。呀。一陣鬼頭風。好怕人也。呀。萬歲爲何跌倒在此。扶小旦起介。小旦宮人們快與我取桃條打鬼。

尾聲無端厲鬼牽衣袂。撲琅生閃人在地。早應了。踢

翅鸚哥昨夜夢兒裏

風透疎簾月滿庭

一場春夢不分明

防微避繳無窮事

今夜何人知我情

會兵

小生統兵上金鼓轟轟百里聲。翩然上馬始身輕。

王師仗義從天下。猶擬中原看太平。下官李徽

只為武嬰專制。唐室頓傾。年來陰蓄士馬。交結英

雄將欲起兵揚州。復稱嗣聖元年。移檄州縣。殺入

京師。剪除妖孽。那時恭迎大駕還朝。方快我意。眾

將今乃黃道吉日。就此起馬。

新水令行介。則那老妖魔。驀忽坐當朝。把大唐家江

山囉皂。神京如霧鎖。仙李受風飄。誓洗腥臊。憑着俺

一肚的韜和略。下

步步嬌。生同丑。上數載羈囚。如籠罩。憔悴今堪弔。

歎。鹵簿困蓬蒿。淚洒冰天魂消。雪窖疋馬走荒郊。似

西風急掣清秋鷄。下

折桂令。小生全衆上。俺跨神駒掛上征袍。腰插着荆

軻七首。祖遜鞭稍。一路兒。雲影旌旗雷聲砲。馬雪色

鎗刀會群英。團圍鐵甕駐三軍。舉律金焦。顧不的

打風飄。水遠山遙。衆啟上。元帥前面已是揚州了。小

生俺待把十萬雄兵踰斷了廿四紅橋衆將天色已

晚就此安營衆得令

江兒水生同丑襍上司馬書來急邗溝路不遙斜陽  
古道鴉聲鬧長途冷店雞聲响西風破驛驢聲拗受  
了恁般驚跳丑啟爺前面已是揚子江了生只看雪  
捲秋潮檢不盡晚江詩料駉駉前番大馬之聲你去

看來丑仝襍看介你看旗號上都有李等俺家老

爺也纔得到此等京中下書人回來了衆通報介

襍小人叩頭賂老爺請到了小生快請相見襍家

爺在前面請老爺相見生恰好仝到可喜可喜見

介生小弟數載幽囚多承救拔又蒙見左右勤

王問、得、急、切但不知起兵之事怎麼一箇局面了小生多年

間阻時切懷思恨弟不才不能早早爲兄解此大

厄今承見問起兵之事揚州城內唐之奇杜求仁

魏思溫家弟敬猷等都已假作客商埋伏四門暗

爲接應小弟明早與兄攻破城池先營巢穴卽刻

舉事也生潭州褚吏部可曾請到小生褚先生春

秋高矣軍旅之事恐非所堪待功成之後去接他

還朝罷了

雁兒落帶得勝令 俺待要據維揚剪偽朝 俺待要稱

廟聖還元號。俺待要奉君王坐九霄。俺待要清宮禁

誅群小。生謀臣呢。小生大都是失職舊官僚。生從士

呢。小生有多少亡命狠兒。曹生糧草呢。小生誰不道

蒸麥堪為餉。生兵器呢。小生眼見的伸鋤。即是刀心

焦。只一檄兒無人艸相邀。愛殺你倚馬文章試一勞

僥僥令生你報國心如鐵。俺行文筆似刀。袖中出檄

遞。小生介袖中早帶有塗鴉藁。還只怕我駱丞的

家數。小生偽臨朝豺豕行武氏者。

收江南。呀。纔讀的起頭兒一句呵。一字字費推敲。只

教那狐群狗黨怎生逃。羨文章恁高料中興不遙。管

捷書兒又要你磨墨蘸霜毫。

有此奇文不可無酒。左右取酒來。衆捧酒具上。生

出師之際何心及此。待成功之日然後與兄痛飲

耳。

園林好恨天家房州路遙痛天曹潭州信杳感天心

揚州會早又何暇飲香醪。又何暇飲香醪。小生看酒

來。將酒滿地揖介。我李敬業不成大功不飲此酒。

沽美酒帶太平令。一杯酒洒江臯。千古事在今朝。若

不是大駕迎還恨怎消。水霜打熬那怕他雪虐

風饕抵多少南陽進表須不是吳市吹簫說甚麼十

千平樂。笑煞他萬貫纏腰。俺呵心勞力勞。氣豪骨豪。  
呀。及早的破京師。大家齊倒。

尾聲合當時共落龍山帽。今夜天涯對故交。只爲那  
回、映、尋、菊、音、絕、佳  
國亂民愁各淚拋。

異鄉終日。山旌旗。萬里辭家。事鼓鼙。

二十四橋明月夜。故人相見一霑衣。

### 授丹

外上老夫褚遂良自從諫立武氏。遠謫潭州。積憂  
成病。一向臥床。近覺稍可。只是此間乃早濕之鄉。  
好難將息波。蒼頭我要歇息了。你點上了燈。自去

打睡罷。襍曉得外睡介。正是愁多短歎和長歎。滿

久長眠續短眠。未魂扮上。寡人唐高宗李治游魂

是也。因當年不聽褚吏部之言。冊立武氏爲后。遂

至喪身失命。敗國亡家。俺一魂飄蕩。闖入函關。得

隨、手、作、波、致、  
遇俺始祖太上老君。泣訴冤情。老君憐俺是李家

嫡血。親授煉形之術。鬼業盡時。便登仙闕。又親授

神丹一粒。教我隨風遊至潭州。送與褚吏部。使他

吞入丹田。轉老還童。待恢復之後。召入京師。再作

承天柱石。暗想褚遂良乃本朝第一忠臣。遠謫潭

州。實是俺的罪過。今夜月色頗佳。不免順着風兒



到彼敘話片時也呵。

一枝花纔離了仙人不死庭。遙望着吏部長流處。悄不覺函關千里隔。那鑾駕可兀的半張無。怎顧得月露風波。找定了南來路。俺待要一霎時尋着地所。聽了些叫呀呀落雁飛鳥。見了些亂紛紛高嶺徠平湖。梁州第七想當日吏部呵。奏金鑾丹心激烈。叩瑤瑤赤血模糊。生撒下先皇付托的佳兒婦。走潭州長沙外府。做都督賈誼窮途。路御史李英公同時失職。王皇后蕭淑妃一旦遭屠。寡人呵乾支支別了宸居。太子呵黑婁婁出了京都。大唐國畢罷了帝籙皇圖。昭陽殿穢污了金根玉輅。乾清宮玷辱了鳳輦鸞輿。悲呼怨苦可憐那中原天子無人做。這其間皆天數。早女。禍。之。害。古。今。同。慨。語。繁。有。關。係。知道越國西施定沼吳。那有當初

可早來到吏部內衙了也。襍扮門神上何方鬼怪。在此囉皂末俺唐高宗鬼魂是也。有要緊說話要見都督一面。休得攔阻波。襍應下末進介此間已。是吏部臥處。看他雪髮蒙頭。霜髭映臉。形容枯槁。好不可憐。俺且不要做聲。這燈臺上殘燭猶明。不免且攜燈看一會波。

牧羊關攬帳端詳覷。挑燈不用呼。直恁的骨瘦也筋

枯白皚皚鶴髮霜鋪明皎皎銀髭雪塑外手略動介  
末擡不起還笏當年手外頭略動介末回不轉磕血  
舊時顛見了他伏枕魂將散搥床介頓教咱搥床鬼  
也吁外看介燈影下的是誰末褚先生怎的不認的  
俺裡

隔尾您本是三垣帝座的三公府俺本是萬乘君王  
可兀的萬歲呼趁着這月朗風清來探汝外北面俯  
伏介元來是廬陵聖駕到來有失遠迎臣該萬死  
末先生認錯也你試再覷咱說與你箇天官吏部  
俺却不是那廬陵幼主外抬頭介元來是太上皇到

此太上皇晏駕已久如何得生莫非那年孝詔是  
假的麼末孝詔不是假的你靠後些你是生魂俺  
是死魂你聽俺說來波俺子爲着你忠臣遲暮特  
地來送與你一粒長生藥物褚先生你當初爭立武  
氏直言無隱實爲可敬當朝還笏叩頭流血實爲  
可憐俺一時錯了主意貶你潭州受盡苦楚實爲  
可惜武氏弄權將俺醜死實爲可恨又將俺兒子  
趕出廬陵那妖婦已僭了大位實爲可怪猶幸  
俺遊魂不散隨風吹至函關得遇俺祖老君傳與  
俺煉形之術將來鬼業盡時便登仙闕又親授神

丹一粒。教俺帶至此間。使先生服之。卽當轉老還童。再作唐家柱石。出丹介。褚先生丹在此。須索取去服了波。外取丹介末

牧羊關。只見他手捧處腰身曲。外吞丹介末口啣時牙齒疎。囫圇的把金丹入肚。外暗換半白鬚介末褚

先生。你才服此丹。鬚髮早已黑了一半也。霎時老蕭何。髮黑鬚烏。把一箇病張良。來銅澆鐵鑄。外拜

介。老臣褚遂良。謝恩末。平身。您不須謝的俺。黃泉天子德。只索的供一幅紫氣。老君圖。大古來不死的

何須藥說甚麼無緣的。不遇佛。外臣啟太上皇。臣久

欲赴關勤王。只為衰年多病。力不從心。今服此神

丹。精神如舊。臣意欲會同了駱賓王。李敬業。買馬

招兵。屯糧積草。豎起義旗。掃清宮禁。伏乞聖裁。末

褚先生。你還不知哩。那李敬業呵。

紅芍藥。他早把干戈謀動在江都。鬧轟轟祭了旗纛。

徧揚州。父老盡伸鋤。煞甚歡呼。占場兒。罷齊隊。仁單

則要武昭儀。那顆頭顱。俺那里神。兵鬼卒也。相扶一

般的。電掃星。逐。外臣不知駱賓王近來作何勾當。望

太上皇也說一遍。咱。末那駱賓王呵。

菩薩梁州。不甫能棄職落江湖。早則是埋名走瓜步。

便待要傳檄下天都迎還了俺六尺之孤。因此上倚

馬雄文胆氣粗。抵多少雕蟲小技。心思苦怎的不關

白老宰輔。想只爲你年衰暮少。不得掃蕩妖氛。你也

上帝都不索躊躇。外太上皇向從何來。今何從往。末

採茶歌。則俺行遍寰區。不用皇輿。但找着个神宮梵

刹。卽吾廬。來時節記得是函谷關前路。此去呵待覓

取蓬萊海上居。外王蕭二位娘娘。今在何處。太上皇

可時常相會波。末

么篇俺如今黃壤同途。幾遍家黑夜相呼。商量則待

要把仇復他。那里雙魂宛轉。憎鸚鵡俺也免不得對

語。鉤鞦學鷓鴣。外李駱成功。在于幾時。太上皇可能

預知消息麼。末

黃鍾煞。他他他功成在邇。何須卜。啾啾啾打聽無差

不是虛。歎歎歎駱御史有機謀。羨羨羨李英公曉事

務。趕趕趕廬陵王還帝都。趙趙趙褚平章回相府。險

險險許敬宗遭驅逐。慘慘慘武則天受剪拂。看看看

頃刻里滅了妖狐。

褚先生俺去了也。外臣褚遂良送。末出介。出門告

別了來時路。落可便回首京華依斗府。下

外醒介。呀。你看太上皇竟自去了。吓。元來是一場

魂、口、中、寫、出、駱、李、一、邊、事、回、照、上、折

借、高、宗、鬼

筆、墨、極、有、生、發、回、照、后、妃、亦、不

風、華、流、麗、絕、世、丰、姿

又、能、于、鸚、鵡

外別作餘波

大夢拂鬚看介。且住怎麼我的鬚果然黑了一半。却又不是個夢。方才明明見說李駱起兵揚州。功成在邇。笑介借他兩人的事業。完我一點的忠心。好天從人願波。

牢落星河欲曙天

枕陪寒席帶愁眠

金丹擬駐千年貌

姓字今爲第幾仙

戲禽

玉女步瑞雲。小旦上。鬼責堪驚。未審何時魂定。難道是弓蛇弄影。

欲除黑業全無路。須信玄牝別有門。寡人身雖女子。位則帝王。可謂富貴已極。未知壽命若何。前日燈下看些奏章。體中甚是委頓。若不及茲修養。吐故納新。將來漸次衰頹。神昏氣散。寡人心愛的懷義。雖是比丘。頗知醫術。聞得他秘授華陀五禽戲法。不免召他到來教習一番。正是且將煉石補天手。略試長生久視方。宮人宣懷義。宣介副淨上。貝葉寫成春藥譜。輪珠穿就夜淫籌。見介小旦懷義寡人近日體中不快。要卿傳授五禽秘戲。你可細細講來。副淨萬歲聽啟。華陀本是漢良醫。留下奇方人罕知。若得五禽精熟後。身隨王母宴瑤池。內

細樂副淨胡旋舞良久介縮左足伸右手介鳳朝  
金闕飛昇闔苑蓬萊提高二足大踏步介鶴步瑤  
階咫尺十洲三島掉兩臂介金雞鼓翼崑崙頂上  
真傳連翻身介鉄鶴翻身龍虎山中秘訣兩手兜  
頭拜倒介鵬搏巨海頓教血氣流行雙膝跪仰倒  
介雁落平沙能使坎離豐滿跳一轉介黃鶯擲柳  
大開衆妙之門辨足繞行手作水紋介紫燕穿簾  
直上列仙之座五禽演畢小旦妙哉古人云熊經  
鳥伸洵不誣也丑急走上入言諸武無一武自愧  
三思不再思來此已是宮門不免徑入呀姑娘不  
好了李敬業起兵揚州殺進京了

不是路敬業興兵招聚英雄在廣陵抖介小旦姪兒  
爲何這般害怕副淨爲何這般害怕丑纔聞警我

頂門早把魂兒送和尚你又長又大快拏了禪杖領

兵前去破敵回來再圖快活副淨不是老僧境

丑勿推稱俺寡婦孤兒無一能全仗你楊子江頭

振錫聲

小旦懷義那裡去得姪兒還是你去丑我如釘釘

那裡有閩外將軍令決難逃命急須饒命副淨貧僧

久聞大將軍李孝逸此人智勇全材兼且兵精糧

足萬歲何不命他去征勦。小旦懷義言之有理。  
前腔大將南征全憑孝逸作長城。姪兒快與我傳言。  
着李孝逸星夜前去勦賊。回來重重陞賞休遲頃。  
星馳電掣把揚州定。丑領旨出介正是世間享福有  
和尚天下輕生惟武夫。小旦義寡人前日夢  
中見有二人仗劍把一隻鸚鵡兩翼割去。我想鸚  
鵡者武也。兩翼已去不能奮飛。決非佳兆。况近來王  
后蕭妃屢屢作祟。卽今敬業弄兵。或是鬼使神差。  
也未可知。你與我前去快快做些水陸。超度他二  
人早生天界。

莫留停那酒甕幽魂未托生。快與小旦朗誦蓮花貝葉  
經。寡人再囑付你。你擺列道場。便小旦帝也帶一分齋。  
兒常思省。那日裡也是我心兒硬。急須皈命切休  
方命。副爭領旨出介。我拚死已償花。下債他超生還。  
記甕中仇。下小旦他二人已去。小旦心中甚是恍惚。  
不免進去睡些兒。

可憐當路盡公卿 猶自擡頭護翠翎  
聞道偏爲五禽戲 永留寒影在空屏

擒逆

浪淘沙 小生統衆上 家世舊凌烟 將略家傳提兵星

夜走連錢。一片義旗光耀日。嗣聖元年。

恠他武氏真無禮。喜我唐家尚有人。俺李敬業起兵恢復。駐扎揚州。聞得武曌已差李孝逸兵駐臨淮。與俺對敵。俺不免將兵馬分作五隊。更翻迎戰。便了。將官們就此起兵前去。

水底魚兒行介。直指中原。王師下九天。風馳電捲。沿途將檄傳。穿州過縣。壺漿擁道邊。臨淮不遠。用心追上前。

前腔。淨武扮全衆上。砲響連天。齊揮馬上鞭。風雲雷電陣兒排得全。猪雞魚蒜。搶來何用錢。鎗刀弓箭。殺他一溜烟。

俺大將軍李孝逸的。便是奉聖旨勦滅亂臣。齊駐臨淮。衆將官前面。金鼓喧闐。想是李敬業兵來也。用心殺上前去。復唱前調鎗刀二句下。小生全衆復唱前調臨淮二句上。淨接上混戰介。淨來者何人。可通姓名。小生俺乃大唐世襲英公李淨。你也姓李。俺也姓李。好好下馬投誠。聽了宗罷。小生休得無禮。放馬過來。大戰介。又擒淨介。淨叔叔看同姓分上。饒了狗命。小生且到洛陽。看你造化。小生衆將官就此殺進京去。



前腔鑼鼓喧闐。俳優盡向前。旌旗電閃。穿花跑得圓。  
戲棚一戰。略伸千古寬。迎還翠輦。高歌哩囉哩。

落日轅門鼓角鳴。弓刀千騎鐵衣明。

將來爲報英雄輩。奕世勤王國史稱。

旋駕

搗練子。正旦帝服上。天下樂。喜還京。步步嬌娥引駕  
行。沉醉東風雙勸酒。瑞雲濃處柳梢青。

寡人李哲僻處房州。且喜李敬業恢復中原。昨有  
賀表到來。迎朕還宮。內使們就此起程。

六么令。行介。廬陵如穿喜。今朝脫了廬陵。歸心早  
洛陽城穿水驛。過山亭。歡聲載道。分明聽。歡聲載道  
分明聽。

鳳城連夜九門通。五色雲車駕六龍。

萬里山川唐土地。百官初謁未央鐘。

掃宮

六么令。小生正生同衆上。江臯縱轡。霎時間已破京  
畿。馬前稽首拜群黎。塵一掃。日重暉。山河風景元無  
異。山河風景元無異。

小生俺李敬業自起兵以來。不穀一月。破了京師。  
已曾差官賚表。星遠趕至房州。迎接大駕。還朝復

位但宮中狗彘尚未剪除。衆將官各帶精兵三百。快與我搜宮。捉拏武氏懷義三思等到來。衆得令。新水令。小生你與俺鳴金擊鼓。把紫羅圍密攢攢刀鎗匝地。齊心搜窟穴。協力掃宮幃。梟首懸旗。才替那大唐朝出口氣。

衆下。小生俺想許敬宗這狗才。勸立武氏。深可痛恨。意欲拏他來梟首示衆。替褚吏部出口氣兒。生敬宗乃先帝舊臣。況且名列瀛洲。今若將他處斬。那十八學士便成缺陷了。據小弟看起來。便不究也罷。

沉醉東風生。他步瀛州。姓氏高題盜虛名。兩朝開濟。我與你佐中興。要存大體。一線恩留他寸晷。

小生若不是他勸立武氏。老兄那有囹圄之苦。生暫時吃虧。不須再提。可知道俺讀書人大肚皮。

衆反接小旦副淨丑上。元帥都已拏到了小生。先把武氏帶進來。衆帶小旦進介。小生武氏你也有快極今日了。

雁兒落。帶得勝令。我恨你扼嬌兒。陷后妃。我恨你藏毒藥。圖皇位。我恨你逐新君。不得歸。我恨你養淫僧。全無恥。冷清清祖廟已成灰。熱丕丕宗室誰非鬼。假

惺惺三畝女。比丘狠巴巴。一代雌皇帝。堪悲俺數不盡。你無邊罪。須知逃不出俺征誅一局碁。

左右拏去斬了。生武氏乃太宗文武皇帝才人。未可擅殺。

忒忒令告君侯。從容且遲。念武氏是太宗奴婢。我與你俱是臣宰。那尊卑難廢。

據賓王愚見。請先將李孝逸武三思僧懷義梟首示衆。然後帶武氏到太宗廟內。數其罪惡。使他自盡。似爲得體。小生旣如此待聖上。還朝奉旨定奪罷了。生這又不可。聖上于武氏有母子之名。一則恐聖上還宮。牽于母子之私。恩不忍加。誅放他。路一則恐事出聖上。遂有殺母之嫌。其名不美。元帥旣起大義。掃清宮禁。今日也再饒他。不過了他母與子。怎相夷。借他拳打他嘴。總不若自縊。

小生有理有理。左右把武氏帶過。帶李孝逸武三思僧懷義進來。眾帶出小旦帶進副淨淨丑介。

沽美酒。小生俺如今見了伊。禁不得髮上指豎雙眉。怪的你蠅營狗苟。輔妖尼。左右帶出去砍下頭顱。抽腸剝皮。掛在城門示衆。你這班猪狗。這還是輕恕你的。止不過抽腸剝皮。還算俺李英公菩薩慈悲。

好姐姐淨副淨丑四圍刀聲劍氣齊整整怎生迴避。  
擣毛剝皮要抽腸拔肺誰來替禍因惡積天難昧罪。  
可。見。自。作。還。自。受。只。三。字。便。  
當情真我自知。  
抵。感。應。書。全。部。

衆將淨副淨丑斬介小生左右帶着武氏到太宗  
皇帝廟中去到廟介衆啟元帥來此已是生小生  
進廟拜介小生左右帶武氏進來帶進介小生武  
氏你當初狎暱邪佞殘害忠良殺子屠兄弑君醜  
母君之愛子幽之別宮賊之宗盟委之重任一椿  
椿一件件做得好勾當今日到這裡可還有話講  
麼。

太平令你惡多般重重怎洗罪無窮密密難提今日  
裡跪着先皇神位你可也何言答對小且爺爺饒  
奴家這遭罷小生俺。俺此心天知地知怎肯饒  
伊恕伊擲汗巾介你要便宜將紅綾理會

川撥棹小且接汗巾介提將起俏魂兒已早飛悔當  
初做事差池悔當初做事差池我今日一死何難但  
死去怎生見我太宗父子王蕭二人

向泉臺冤家逼迫怎當他這揆擠怎熬他這煉鎚益  
死介

收江南生小生呀你今日這般樣很籍呵普天下盡

揚眉喜的是隴山鸚鵡頓成灰。房州仙李未全摧。感天心未移。感人心未離。感先皇默佑福群黎。

生群醜俱殲。老妖已剪。可速速整備迎駕去。小生衆將官就此出郭迎駕。

清江引合義旗捲處歡聲沸。早把宮庭洗。群臣出郭迎。大駕還朝喜。這功名誰不羨俺英公李。

擾擾都成曉四開

忠驅義感卽風雷

明眸皓齒今何在

更喜賢王遠道來

奸歎

淨上。天子回鑾萬歲呼。老夫猶剩一頭顱。瀛洲學

士誰無行。十八人中獨有吾。自家許敬宗只因那年高宗皇帝要改立正宮。褚遂良不肯奉詔。我在旁邊迎合肯意。徑立了武氏爲后。將遂良貶出潭州。誰想後來王皇后蕭淑妃被武氏斷去手足死了。大帝被武后下了毒藥死了。太子被武后趕出廬陵。幾乎也是一死。這幾年間。我臣事女主。官居極品。自謂無憂。不料駱賓王李敬業兩人起兵揚州。殺入京師。那武氏在文皇帝廟中逼縊死了。武三思薛懷義李孝逸三人。都抽腸拔肺死了。我的性命幾乎也是一死。多蒙駱賓王看俺瀛州諸學

士面上開一綫之恩。得以漏網。愛我想從來做好  
臣的。到下場頭。這件吃飯的傢伙。元是打點送掉  
的。今日被他每留下十分惶恐。好難見人。倒不如  
一刀兩段。死在九泉。罵我也不聞。咲我也不見。疑  
閃得無影無蹤。比那活在世間。却自在得多也。  
耍孩兒。若不是賓王一片寬弘量。怎免得俺九族遭  
殃。恨當初作事欠思量。佐昭儀篡了皇唐。今日呵。俺  
千般巧伎。全場露。百樣羞慚。沒處藏。倒不若刀頭喪  
潑。翻了數升反血。抽出了一束歪腸。

當初文皇帝天策開府的時節。文學館學士共有  
一十八人。杜如晦第一。房玄齡第二。虞世南第三。  
以次輪到區區。已是第十八名了。那時文人相集。  
旁人看見我輩。却像神仙一般。凡是我每在館的。  
都叫做登瀛洲。其名好不香竄。誰想後來房杜諸  
公。一个个文章華國。忠孝傳家。獨有吾着末第一。  
个有文無行。做下了許多沒見識的事務。十八人  
中。衆賢一伎。可謂獨步瀛州。猶幸身還未死。若是  
前日被李敬業殺了。那九泉之下。一班同館弟兄。  
鳴鼓而攻。叫我如何當得起。

五煞當日呵。罷干戈日正長。講文書夜未央。同登天

府瀛洲望。貴指望流芳百世諸賢集。又誰知遺臭千  
年我一仗當。更說甚曾圖像。弄得來蜻蜓滿面。險化  
做螃蟹無腸。

我許敬宗雖然不死。關得聖上已有肯下。召還潭  
州都督褚遂良平章軍國。那老褚是我對頭。料他  
怎肯輕輕放過我。畢竟要在聖上面前哭奏。當年  
情節。朝廷決然大怒。我那時頸上這一刀。如何得  
免。這明明是賂賔王留我這一顆頭兒。送與褚遂  
良。出氣豈是真心要活我那。

四煞他貶潭州鬢髮蒼。返京都道路長。這冤仇怎肯  
便勾銷帳。則恐怕交還的手板。要把我腰章抵。磕破  
的頭皮。要把我頸血償。拚學取誰模樣。做不得商鞅  
落海。却像是伯詬過江。

我想國家的好臣。也有大小。朝廷的律法。也有輕  
重。如武昭儀改唐爲周。武三思謀立皇嗣。薛懷義  
穢亂宮庭。李孝逸大戰臨淮。這一班狗男女。自是  
殺有餘辜的了。若論我的過端。但有那田舍翁尚  
欲易婦。這兩句話兒不好。那殺后弑君。這幾樁大

惡不道的事。于我實不相干。今上明見萬里。我許  
敬宗。不要說是瀛州學士。即使那沒有名望的也。

不過輕則謫貶重則削爵便是褚遂良做煞對頭。怎要得我這條性命如此看來我許敬宗萬一不  
死也未可知。

三煞改中宮我在旁佔皇圖他自商與仇報怨也索  
要查前帳我橫枝兒罪犯元沒有滔天惡狹路邊寬  
家那怕他驀地撞這頭顱應無恙暢好是長流去國  
更和那削爵還鄉。

我許敬宗做秀才的時節讀書明理豈不曉得要  
做好人只因後來飛黃騰達吃了三杯御酒灌醉  
了一副肚腸那君子小人的趨向都想不到戴

調侃世人可謂善戲謔兮不爲虐兮  
上一頂烏紗遮昏了一雙眼目那天理人欲的路  
頭都看不明了卽如我那日擯掇高宗皇帝改立  
武后一事若預先明白了這種利害便也要做起  
褚遂良來了只爲一心戀着了高官厚祿一刻地  
做下了一个好奸臣連我自己也不曉直到今日求  
生不得求死不能纔知道俺不做忠臣的恁般不  
氣長也。

二煞做奸雄沒付量把忠臣故誘傷只戀着高官厚  
祿將良心喪三杯御酒迷心竅一頂烏紗改面龐想  
着了彭亨脹總跳出我那先靈七代也躲不過約法



三章

襍雙鳳闕前呼萬壽。五雲樓外宴千官。啟上老爺。  
萬歲爺有旨。明日設太平宴。在朝門外。大賞功臣。  
京官三品以上。都要陪宴。淨褚太師可曾到。襍  
已到了。淨不好了。這老頭兒不來。明日這杯酒我  
還可以吃得。若已到了。仇人相見。他決不肯干休。  
如何是好。襍老爺的罪名萬歲爺尚且不究。那褚  
太師怎好與老爺作對。淨唉。你那里曉得。

一煞他辣生生性。似薑冷清清。面有霜。磕頭撞腦從  
來。慙則怕他潭州不許我瀛洲。並沒揣的酒政。憑將  
軍政當身未去。魂先蕩。說什麼酬功錦席。分明是送  
死涼漿。

敲棘介。那那那邊鎖鞦我的來了。襍老爺這是庭  
前花本影。不要看差了。

尾煞淨事驚心眼也昏。禍臨頭胆已慌。潑殘生倒做  
了千古的奸臣樣。下官今夜呵止有那五十刻更籌。  
怎禁得雞兒唱。

不辨軍前殺此身。破家亡國爲何人。

紫雲新苑移花處。鳴玉鏘金盡正臣。

圓宴

外上白頭重踏京師路。黃閣初填宰相堤。老臣褚遂良。那年諫立武氏。遠謫潭州。且喜今上回朝。蒙聖恩召還。同平章軍國大事。只是一件。許敬宗這厮尚在漏網。今日五鳳樓奉旨賜宴功臣。聖上命老臣與許賊陪宴。我怎肯與他同坐。不免奏過聖上。與他併一個去留。正是賢奸不並立。忠佞豈同歡。叩頭奏事介。臣褚遂良謹奏俺主。內宣介所奏何事。

滴溜子外。遂良的。遂良的。蒙恩侍宴。朝堂上。朝堂上。忠奸莫辨。許敬宗獸心人面。欺君已有年。早應謫貶。臣此餘生。不共戴天。

內奏事官午門外伺候。外起介。淨上一局碁輸堪

笑我三杯酒美。怎陪他。下官許敬宗。今日聖上賜宴功臣。要下官陪宴。看介那邊褚先生已先在了。我怎生去見他。有了。高拱手掩面介。老先生請了。

外少禮。許敬宗我問你。今日聖上此酒。為何而設。

淨為功臣。外。你有何功。淨。下官奉陪。外。我偏不許

你陪。淨。老先生息怒。老先生當日在先帝面前。叩

了幾個頭。下官今日在先生面前。也叩幾個頭。秤

鈞打金。拽直。叩頭介。內宣介聽旨。朕惟君子小人。

勢不並立。褚遂良指斥佞臣。直言無隱。賜蟒衣一

襲。玉帶一條。許敬宗革職。為民安插。潭州着金瓜

打出。不許陪宴。謝恩。外淨叩頭呼萬歲起介。淨昔

把朝廷比田舍。今看閣老作編氓。下外吊場。

玉女步瑞雲。小生倏忽聯軒九。鵬程弘遠。生上早

受過千秋鐵券。

小生臣李敬業。蒙聖恩封為平陽王。生臣駱賓王

蒙聖恩封為樂昌王。全今日聖上賜宴。來此已是

午門。叩頭呼萬歲起介。小生褚先生勞待了。外禮

當恭候看酒。送席坐介。

畫眉序。六龍旋聖澤。遙敷下九天。喜圖形麟閣。踵武

凌烟。不枉了虎將家聲。穩登上鳳樓。席面俺擎天玉

柱。把皇居。頃刻裡神州永奠。

丑扮內官。襍攜燈酒杯上。紅燭燒殘。青漏夜。綠漿

挹出紫微垣。旨下聽宣讀。詔曰。朕念眾卿軍中禁

酒。勞悴異常。特賜桑落酒一樽。白玉杯二執。金蓮

燭四對。俾卿等極歡盡醉。紗籠送歸新第。謝恩。小

生生外叩頭呼萬歲起介。丑下。重入座介。

前調別體。瑞靄映華筵。御酒黃封。荷恩眷。看紗籠耀

彩。又撤金蓮。當日个禁酒提兵。今夜裡張燈謝宴。好

看我爛醉金鑾殿。脫兜鍪。換上貂蟬。

生夜深了。大家謝了聖恩歸第。拜介。

啄木兒。君恩重。寵錫駢。午門稽首誠歡忭。賜瓊漿玉碗。流霞賞。宮燈銀燭輕烟。念臣此夜叨殊典。令臣翻愧功勞淺。還願的大賚群生。教四海傳行介。

歸朝歡。朝門外。朝門外。燈火燭天。銅壺內。漏催曉箭。

歸新第。歸新第。九達肅然。這功勳莫看做紙上空言。

相應

揚州起義臨淮戰。乾坤再整。迎車輦。我怎肯把偌大

江山送與武則天。

尾聲撮空搗鬼。憑搬演。當念我話不荒唐。戲怎圓你

只看下手的偏生是趙穿。

紫禁迢迢宮漏鳴。

樓前紅燭夜迎人。

笙歌幾處朝天日。

聖壽宜過一萬春。



三

